

Լ. Գ. ՄՆԱՑԱԿԱՆՅԱՆ, Քսենոֆոնի դարասկզբի արևմտահայ գրական
մեծագույնությունը, Երևան, Համալսարանի հրատարակչություն, 1990, 356 էջ:

Լ. Գ. Մնացականյանի գիրքը արևմտահայ 80-ականների քննադատությանը նվիրված նրա
առաջին գործի տրամաբանական շարունակությունն է: Աշխատությունը մի անգամ ևս բերում է
այն հզորահանգման, որ գիտական ուսումնասիրությունն անքակտելիորեն կապված է մեթոդա-
բանական ընտրությանը:

Անշուշտ, յուրաքանչյուր հետազոտող ազատ է քննության ուղիների ընտրության մեջ,
սակայն մինչև այն սահմանը, երբ լին անտեսվել հետազոտության առարկայի առանձնա-
հատկությունները, հիմք են ընդունվում վերլուծության համապատասխան սկզբունքները, հաշվի
են առնվում խնդրի ուսումնասիրության առկա վիճակը և գիտության զարգացման կենսական
պահանջները: Ահա թե ինչու առանձին արժեք է ձեռք բերում հետազոտողի կողմից ընտրված
մեթոդաբանական թեմաներում, որը, առարկայի բարդության յուրահատկություններից ել-
նելով, հստակ սահմանագծում է հետազոտման ոլորտները, բանաձևում նյութի համակարգ-
ման սկզբունքները՝ ձգտելով հետազոտության տեսադրույթային կառուցիկության:

Գրքի առաջարանից մինչև գործը հզորփակող ամփոփումը առկա է հետազոտողի նպա-
տակաուղղված ջանքը՝ առավել ամբողջական և ընդգրկուն մատուցելու հսկայական նյութը
նրա պատմական, հասարակական և գեղագիտական արժեքի համազգային նշանակությամբ:
Առաջաբանը, ուր որոշարկվում են ուսումնասիրության նպատակը, խնդիրները, պարզում է
և առարկայի համակարգման ընտրված տարրերակի բացատրությունը: Մեկնակետ ունենալով
ազգի երկու հատվածների միասնության սկզբունքը՝ հեղինակը զարգացնում է բաղկացուցիչ
մասերի քննությամբ ներքին ամբողջականության բացահայտման դրույթը: Կառուցվածքա-
յին հնարավոր տարրերակներից նախապատվությունը տրվել է քննադատության պատմության
ստեղծական զարբերացմանը, ուր առանձնացվել են երկու ժամանակահատված՝ 1896—1908 և
1908—1915: Պարբերացման հիմքում ընկած է պատմականության հայեցակետը, երբ գրական
մշակութային խնդիրները լուսաբանվում են սերտ փոխազդեցության մեջ քաղաքական-հասա-
րակական տեղաշարժերի հետ: Այսպիսով, ներկայացվում է շուրջ մեկ ու կես տասնամյակի
քննադատական շարժման ընթացքը, ուր արժարժվել են գրականության անցյալի, ներկայի
ու ապագայի սկզբունքային հարցադրումները, որոնք դուրս գալով բուն գրական շրջանակ-
ներից, դալիս են դառնալու ազգի հասարակական զարգացման խնդիրներ: Գրականագիտու-
թյան արդեն ճանաչված նյութի հետ շրջանառության մեջ են դրվել նոր անուններ, նոր փաստեր
ու հարցադրումներ, որոնք թելադրված են աշխատության ոչ միայն գիտական, այլև ուսումնա-
կան պահանջների անհրաժեշտությամբ:

Աշխատությունն ունի լուրս գլուխ, որոնցից յուրաքանչյուրն առանձնացվելով որոշակի
հարցադրումների շուրջ, ամբողջության մեջ նպատակամիտում է ներկայացնելու ժամանակի
ըննադատական մտքի կենդանի ընթացքը՝ պայմանավորված հասարակական-քաղաքական տե-
ղաշարժերի ներգործուն ազդեցությամբ: Քննադատությունն ազգային գոյատևման պայքարում
(1896—1908) ղ վերնադիրը ինքնին ընդգծում է ուսումնասիրության առաջին գլխի բովան-
դակությունը: Հետագա շարադրանքում ժամանակահատվածը բնութագրելով մտավորական
կյանքի արդեն սկսված անկմամբ, միաժամանակ բնորոշ է դիտվում օրինալի դարձած
«տարօրինակության» շարունակությունը, այն է՝ անկման ընթացքի հետ թեև դանդաղ, բայց
համառ ու հետևողական տեղաշարժերը, որոնք ընդհանուր պատկերով արդեն որոշակի իմաստ
են ձեռք բերում: Գրական կյանքի հեռանկարի հուսալի հիմք են դիտվում Սիմանթոյի
«Դուրսգնորեն», «Հայրդիներ» շարքերը, Մեծարենցի «Միածանը» ու «Նոր տաղերը», Թե-
քյանի, Վարուժանի բանաստեղծությունները, Ե. Օտյանի, Զ. Նսայանի, Ռ. Զարդարյանի ար-
ձակ էջերը և այլն:

Ուշագրավ է ուսումնասիրողի դիտարկումն արևմտահայ քննադատության առաջընթա-
ցում հասարակական բովանդակության նոր որակի վերաբերյալ: Եթե 80-ականների քննադա-
տությունը նույն խնդրով լուծում էր սոցիալական, բարոյական խնդիրներ, ապա դարասկզբի

գեղագիտական ծրագիրը հարում է ավելի ընդարձակ՝ ազգային-հասարակական հարցերի և ազգային փրկության հեռանկարը գտնելով ազգային ոգու միասնության և ինքնուրույնության պաշտպանման մեջ, ոգու գաղափարը վերացականից դրվում է իրական հողի վրա՝ որպես գոյության մաքառման, վերածնության միջոց: Բնորոշ է դիտվում այն փաստը, որ հասարակական բովանդակության անցումային որակը նախապատրաստվել է նախորդների՝ 80-ականների կանխադրումներում:

Քննադատության մեջ «ոգին իբրև ինքնապահպանման գործոն» գաղափարը դրսևորվում է «վաղվան դրականություն» երևույթով: Այս նորովի իմաստավորմամբ է մեկնարանվում Արտաշես Հարությունյանի առաջադրած հարցարանն ու նրա շուրջ ծավալված բանավեճը:

Ուսումնասիրողի համոզված պնդմամբ այն իր ենթատեքստում անվիճելիորեն ձևակերպում էր ազգի գոյության խնդիրն ու անկախության հեռանկարները: Մերժելով «վաղվան գրականություն» և «գավառական գրականություն» հասկացությունների նույնացման տեսակետները, Լ. Մնացականյանն ընդգծում է հարցադրման գաղափարի ընդլայնված ազգային-քաղաքական և գեղագիտական-փիլիսոփայական բովանդակությունը:

Դնաճատման նմանատիպ շափանիշներն են կիրառվում նաև քննադատության գերի ժամանակի ըմբռնումների շարադրանքում, գեղագիտական ու բարոյական արժեքների դիալեկտիկայում ազգային ավանդույթների և փոխառյալ նորույթների հարաբերակցության հարցերի քննության մեջ: Ե. Տեմիրճիպաշյանի հայացքներում հայտնի «արվեստն արվեստի համար» սկզբունքից տարբերակվում է այլ բովանդակություն՝ դառնալով հոգևոր վերածնության ընդհանուր իդեալի դրսևորումներից մեկը: Նշանավոր գրաքննադատի արվեստի կատարելության պահանջը հետադրողի հանգամանակից քննության արդյունքով բացահայտվում է իբրև գրականության հասարակական օգտակարության և բարոյական ներգործության գլխավոր պայման:

Ժամանակի քննադատության ընդլայնումներում որոշակի բովանդակության արտահայտիչ է դիտվում մի ստեղծագործության շուրջ ծավալվող տեսակետների քննությունը: Դրանցից հետևողորեն, Սիամանթոյի ժողովածուներից բացի, առանձնացնում է երեք ստեղծագործություններին՝ Խնտրայի «Ներաշխարհի», Մեծարենցի «Միածանի» և «Նոր տաղերի» քննադատական անդրադարձերը: Առաջադրվող խնդրով պարզվում են մի առանձին երկի քննության շուրջ բարձրացվող սկզբունքային հարցերը, որոնցով բնութագրվում է ժամանակի հոգևոր կյանքն առհասարակ: Մյուս կողմից ինքնին արժեքավորվում են Սիամանթոյի, Խնտրայի, Մեծարենցի գեղագիտական մեկնակետները, որոնք ցուցադրում են արևմտահայ պոեզիայի որակական տեղաշարժերը XX դ. սկզբին:

Մինչ այժմ նմանատիպ ուսումնասիրություններում դիմանկարի էին արժանացնում գեղանցաբան գրական ընթացքի և ժամանակի քննությամբ հաստատված «գրական» անունները: Լ. Մնացականյանը այդ իմաստով հետաքրքիր մոտեցում է հանդես բերում: Հանգամանալի քննությամբ պարզվում են Հովհ. Սեթյանի, Տիգրան Էլքեճյանի, Ռ. Պերպերյանի և ուրիշ ոչ շատ հայտնի քննադատների տեսակետները: Դիմանկար է հատկացվում Ենոք Արմենին՝ շնայած ժխտողական վերաբերմունքին Մեծարենցի հանդեպ:

Եվ այնուամենայնիվ, շնայած ուսումնասիրողի ակնհայտ ջանքերին, հավանաբար նախկին ինքնադատում, Մեծարենցի հակառակորդ քննադատների տեսակետները ընկալվում են վերապահությամբ և ի վերջո մեկնաբանվում իբրև բանաստեղծի և նրա քննադատների անձնական հարաբերությունների արդյունք: Այնինչ, հակառակ տեսակետներում առկա է որոշակի գեղագիտական դիրքորոշում, որն անպայմանորեն ուշադրավ է ինքնին և պարզում է արևմտահայ քննադատական մտքի բազմաշերտ բովանդակությունը:

Արևմտահայ քննադատության ընթացքի ուղենշային դրսևորումն է դիտվում իր՝ Մեծարենցի «Ինքնադատության փորձ մը «Միածանի» առիթով» հոդվածը: Ընդգծելով այն փաստը, որ հոգվածը գրվել էր ժողովածուի լույս տեսնելուց առաջ, ուսումնասիրողն արժեքավորում է այն իբրև բանաստեղծի գեղագիտական սկզբունքների, նորագույն քնարերգության տեսական իմաստավորման ուրույն արտահայտություն:

Քննությունն ամբողջացնելով Մեծարենցի մյուս հոդվածների հանդամանալի վերլուծությամբ, հեղինակն ընդհանրացնում է ժամանակահատվածի բնորոշ գեղագիտական իրողությունները, որոնք հանգում են ի վերջո հասարակական ու գեղարվեստական մտքի ոգորումների աղբյուրներին: Դրանով իսկ հերքվում է գրականության պատմագրության ոչ իրավացի:

որոշ վերապահություններ Կ. Պոլսի գրական շարժման հեռանկարային հարցադրումների կենսականության շուրջը:

Աշխատության երկրորդ՝ «Գրական վերածննդի շարժումը և քննադատությունը (1908—1914)» զլխում հայտնաբերվում են քննադատության ընթացքի հաշորդ փուլի նոր դրսևորումները՝ կապված Թուրքիայում պետական հեղաշրջման և մամուլի ազատության հետ: Վերջապես բացահայտ արտահայտվելու հնարավորությունը ինչ-որ տեղ ստվերում էր թողել գրական հարցերը և դա ստիպում էր գրական գործիչներին նախանձախնդիր լինել մատնանշելու դրանց պտանգավոր հետեանքները: Հեղինակը շահեկանորեն ընդգծում է ողջամիտ քննադատությանը շարունակվող ընթացքը արևելահայ և արևմտահայ հատվածների մշակութային հարաբերությունների մերձեցման ուղիով՝ տալով դրան նոր բովանդակություն: Շիրվանզադեի գրական գործունեության հորեկյանը նշանակալից իրադարձություն է դառնում. առիթ մեծաբերու ոչ միայն մեկ հեղինակի, այլ հանձին նրա՝ ողջ արևելահայ գրականությանը, ի նպաստ համադրային մեծ գաղափարի:

Ժամանակի գրական կյանքի ուշագրավ երևույթներից առանձնացվում են նաև տարբեր առիթներով գրական ասուլիսները, որոնք պայմանավորված էին արևմտահայ գրականության կենսական խնդիրներով: Գրականագետի ճիշտ ընտրումամբ դրանք դառնում են գրական փորձի հանրագումար՝ ձգտելով աղղային վերածնության իդեալին: Շանթի, Զոհրապի, Հովհ. Սեթյանի, Ռ. Զարդարյանի ստեղծագործությանը նվիրված ասուլիսների, բանախոսությունների հանգամանալի քննությամբ ոչ միայն բացահայտվում են դրանց նպատակներն ու բուն բովանդակությունը, այլև պարզում ժամանակի քննադատության սկզբունքները, ուղղվածությունը, դեղադիտական մտածողության ուրույն առաջընթացը:

Ուշագրավ դիտում է հեղինակի կողմից այս խնդրի կապակցությամբ արևելահայ կողմի արձադանքը: Ընդ որում, կարևորություն է տրվում ոչ այնքան գնահատումների իրավացիությանը, որքան հայ քննադատության երկու ճյուղերը՝ «ներդաշնակ ամբողջության» մեջ տևանող հայացքին:

Այսպիսով, արևմտահայ գրական վերածննդի շարժումը արժեքավորվում է իբրև «20-րդ դարասկզբի համադրային մշակութի փաստ»:

Գրքում հանդամանալի տեղ է տրվել «նավասարդ» և «Մեհյան» պարբերականներին՝ իբրև արևմտահայ դեղադիտական մտքի շարժման կարևոր հայտանիշների: Համապատասխան բաժիններում առանձին-առանձին դիտարկվելով պարբերականների նպատակներն ու սկզբունքները՝ Լ. Մնացականյանը ձգտել է դրանց ընդհանրական ոգու բացահայտմանը: Նրկու պարբերականների գործընթացը գրականագետն արժեքավորում է իբրև համադրային գրական շարժումը զիմորող հերթական փուլի արտահայտություն, ուր դրսևորվել են հայ քննադատության ծրագրային կանխագծումները, գեղադիտական ըմբռնումների նոր չափանիշներն ու մակարդակը:

Անշուշտ, «նավասարդ» տարեգիրքն ու «Մեհյան» հանդեսը ժամանակի գրական կյանքի ուղենշային բովանդակության արտահայտություններն էին և միանգամայն արժանի այն տեղին, որ հատկացնում է հեղինակը նշված պարբերականներին իր աշխատության մեջ: Հասկանալի է նաև, որ ուսումնասիրողը ելնելով որոշակի նպատակներից, ձգտել է իրոք հսկայածավալ նյութից առանձնացնել առավել բնորոշ և օրինաչափ երևույթները և բավարարվել դրանց քննությամբ: Սակայն կարծում ենք, ինչ-որ սահմաններում անհրաժեշտ էր տեղ գտնել նաև այնպիսի անդեանների գործունեության լուսաբանման համար, որպիսիք էին «Շանթ», «Ուստանը», «Աղղակը» Պոլսում, «Հայ գրականությունը» Զմյուռնիայում: Դարասկզբի արևմտահայ գրականության յուրաքանչյուր հետադոտող անպայման առատ նյութ է քաղել ժամանակի գեղադիտական մտքի այս շտեմարաններից, սակայն բուն ուսումնասիրություններում դրանց արժեքն ու նշանակությունը դեռևս լիովին չեն բացահայտված: Ցանկալի կլիներ, որ դարասկզբի արևմտահայ քննադատության ուսումնասիրողը, օգտվելով հարմար առիթից, ըստ արժանվույն պարզեր նաև այս պարբերականների գերը գրական վերածննդի շարժման ընթացքում:

Ժամանակի գրաքննադատության ամբողջական նկարագիրը լրացնում են նշանավոր քննադատների դիմապատկերները: Առանձնացնելով դրանցից Ա. Զոպանյանին և Ա. Հարությունյանին, որոնց նվիրված են աշխատության վերջին՝ երրորդ և չորրորդ զուխները, հեղինակը նրանց բեղմնավոր գործունեության արժեքավորմամբ բացահայտում է քննադատական մտքի դարգացման համապարփակության ձգտումը, ուր համաշխարհային գեղադիտական լափա-

նիշները ծառայում են ազգային մշակույթի խնդիրներին, ինչպես Չոպանյանը, նույնպես և Ա. Հարությունյանը իրենց տեսակետների իմացաբանական հիմքը հաստատել են եվրոպական գեղագիտական ուսմունքների, մասնավորապես պոզիտիվիզմի փիլիսոփայության սկզբունքներով:

Աշխատության հեղինակի կողմից ճշգրտվում է Չոպանյանի տեղը գրական վերածննդի շարժման մեջ: Քննադատի գործունեության սկիզբը կապվում է 80-ականների տեսական ու գործնական ծրագրերին, և Մնացականյանը այնուհետև քայլ առ քայլ բացում է նրա լայնածավալ քննադատական ժառանգության շերտերը, ուր փաստացի ներկայանում է մեծ մտավորականի բազմաճարտատ փաստակը: Նրա բազմաթիվ հոդվածների, էսսեների, գրախոսությունների մանրակրկիտ քննությամբ, «Անահիտ» հանդեսի գրապատմական արժեքի գնահատմամբ ի ցույց է գրվում Չոպանյանի մեծ ավանդը հայ բանասիրության, գրականագիտության, գրական քննադատության պատմության մեջ:

Արտաշես Հարությունյանի քննադատական ժառանգության քննությունը բացահայտում է նրա գեղագիտական ծրագրերի հեռանկարային արժեքը: «Վաղվան գրականություն» գաղափարի ձևակերպումներում, որոնք դրսևորվեցին մի շարք հոդվածներում և նրանց շուրջ ծավալված բանավեճի հարցադրումներում, գրական դիմանկարների շարքում բնութագրվում է քննադատի կայուն հավատամքը: Ուսումնասիրողի բնորոշմամբ այդ հավատամքի էական հատկանիշը «կյանքի սկզբունքն է» գրականության և քննադատության մեջ: Հոգևոր վերածնության գաղափարի նպատակաուղղվածությունը քաղաքական ազատության իդեալի արտահայտությունն էր դարձել ժամանակի գրականության և քննադատության մեջ: Ա. Հարությունյանի գեղագիտական հայացքների քննությամբ ամփոփելով ուսումնասիրությունը, գրականագետն ամբողջացնում է XX դ. սկզբի արևմտահայ քննադատության դիմագիծը ազգային հասարակական մտածողության տարածքում:

Ուսումնասիրությանը բնորոշ է մի հետևողական որակ, այն է՝ անալառ քննություն, ուր բացառվում է անվերապահ հիացումի պահը, դիտարկվում են վիճելի տեսակետները, քննադատների թույլ և ուժեղ կողմերը՝ անկախ նրանց հեղինակության և նշանակալիության աստիճանից: Հենց այդ մասնագիտական հայացքն է, որ թույլ է տվել գրականագետին բացելու ընթերցողի առաջ դարասկզբի հայ մշակույթի կարևոր ոլորտներից մեկի՝ քննադատական մտքի ջնդհանուր պատկերը իր ուրույն ընթացքով, զարգացման առանձնահատկություններով և առանձին գործիչների նշանակալի ավանդով:

Լ. Մ. ՄՈՒՐԱԴՅԱՆ

Բանասիրական գիտությունների թեկնածու: